

Crynodeb Gwirio Ansawdd

Deintyddfa Beaufort Park

Dyddiad y gweithgarwch: 16 Awst 2022

Dyddiad cyhoeddi: 4 Hydref 2022



Gellir darparu'r cyhoeddiad hwn a gwybodaeth arall gan AGIC mewn fformatau neu ieithoedd eraill ar gais. Bydd oediad byr wrth i ieithoedd a fformatau eraill gael eu cynhyrchu pan ofynnir amdanynt i ddiwallu anghenion unigol. Cysylltwch â ni am gymorth.

Bydd copïau o'r holl adroddiadau, pan fyddant wedi'u cyhoeddi, ar gael ar ein gwefan neu drwy gysylltu â ni:

Yn ysgrifenedig:

Rheolwr Cyfathrebu
Arolygiaeth Gofal Iechyd Cymru
Llywodraeth Cymru
Parc Busnes Rhyd-y-car
Merthyr Tudful
CF48 1UZ

Neu drwy

Ffôn: 0300 062 8163

E-bost: agic@llyw.cymru

Gwefan: www.agic.org.uk

Crynodeb Gwirio Ansawdd

Ein dull gweithredu

Cynhaliodd Arolygiaeth Gofal Iechyd Cymru (AGIC) wiriad ansawdd o bell o Ddeintyddfa Beaufort Park fel rhan o'i rhaglen o waith sicrwydd. Mae Deintyddfa Beaufort Park yn darparu gwasanaethau i gleifion yng Nghas-gwent a'r cyffiniau. Mae'r practis hefyd yn ffurfio rhan o'r gwasanaethau deintyddol a ddarperir yn yr ardal wedi'i gwasanaethu gan Fwrdd Iechyd Prifysgol Aneurin Bevan. Mae'r practis yn darparu ystod o wasanaethau deintyddol cyffredinol y GIG a phreifat.

Mae gwiriadau ansawdd AGIC yn rhan o ddull newydd wedi'i deilwra ar gyfer gwaith sicrwydd ac maent yn un o nifer o ffyrdd y mae'n archwilio sut mae gwasanaethau gofal iechyd yn bodloni Safonau Iechyd a Gofal 2015 a Rheoliadau Deintyddiaeth Breifat (Cymru) 2017 (a rheoliadau perthnasol eraill). Rhoddir adborth i gynrychiolwyr y gwasanaeth ar ddiwedd y gwiriad ansawdd, mewn ffordd sy'n cynorthwyo dysgu, datblygu a gwella ar lefelau gweithredol a strategol.

Mae gwiriadau ansawdd yn giplun o'r safonau gofal mewn gwasanaethau gofal iechyd. Cânt eu cynnal oddi ar y safle'n gyfan gwbl ac maent yn canolbwyntio ar dri maes allweddol: atal a rheoli heintiau, llywodraethu (yn arbennig ynghylch staffio), a'r amgylchedd gofal. Mae'r gwaith yn archwilio trefniadau sydd ar waith i ddiogelu staff a chleifion rhag COVID-19, gan ein galluogi i ddarparu cyngor gwella cyflym a chefnogol ar weithrediad diogel gwasanaethau yn ystod y pandemig. Gellir dod o hyd i ragor o wybodaeth am ein trefniadau sicrwydd a'n dull arolygu [yma](#).

Gwnaethom siarad â'r prif ddeintydd, sef perchennog y practis, ar 16 Ebrill 2022, a roddodd wybodaeth a thystiolaeth i ni am ei wasanaeth. Gwnaethom ddefnyddio'r prif lwybrau ymholi canlynol:

- Pa newidiadau sydd wedi cael eu gweithredu yng ngoleuni COVID-19 i sicrhau bod safonau atal a rheoli heintiau yn cael eu cynnal?
- Sut mae'r practis yn sicrhau y gall yr holl gleifion (gan gynnwys grwpiau agored i niwed / mewn perygl) gael mynediad i wasanaethau'n briodol ac yn ddiogel?
- Sut mae'r practis yn diwallu anghenion cleifion sy'n siarad Cymraeg wrth gael mynediad i wasanaethau gofal iechyd drwy gyfrwng y Gymraeg?
- Sut mae'r practis a'r gwasanaethau y mae'n eu darparu wedi addasu yn ystod y cyfnod hwn o COVID-19?
- Sut mae'r practis yn sicrhau bod cydraddoldeb a dull seiliedig ar hawliau yn cael eu hymgorffori ar draws y gwasanaeth?

Yr amgylchedd

Yn ystod y gwiriad ansawdd, gwnaethom ystyried sut mae'r gwasanaeth wedi ymateb i'r heriau a gyflwynwyd gan COVID-19 a sut mae'r gwasanaeth wedi cynllunio a rheoli'r amgylchedd gofal i sicrhau ei fod mor ddiogel â phosibl i gleifion, staff ac ymwelwyr.

Roedd y dogfennau allweddol a adolygwyd gennym yn cynnwys:

- Aseiad risg iechyd a diogelwch y practis
- Aseiad risg COVID-19

Gwnaethom hefyd holi cynrychiolydd y gwasanaeth am y newidiadau y mae wedi'u gwneud i sicrhau bod cleifion yn parhau i dderbyn gofal a thriniaeth yn unol â'u hanghenion.

Cafwyd y dystiolaeth gadarnhaol ganlynol:

Gwnaethom ganfod bod y gwasanaeth wedi cynnal aseidiadau risg perthnasol ac wedi diweddarau polisiau a gweithdrefnau perthnasol i fodloni'r gofynion ychwanegol o ganlyniad i bandemig COVID-19.

Dywedwyd wrthym fod amgylchedd y practis yn cael ei fonitro yn rheolaidd i sicrhau bod yr amgylchedd yn ddiogel, yn lân ac yn daclus.

Clywsom, ar ddechrau pandemig COVID-19, fod amgylchedd y practis wedi cael ei asesu i gynorthwyo â'r gwaith o reoli heintiau a'i wella. Dywedwyd wrthym fod y newidiadau canlynol wedi cael eu gwneud:

- Gweithdrefnau desgiau clir ar waith ac eitemau diangen yn cael eu symud o'r ystafelloedd triniaeth, y dderbynfa a'r man aros
- Ffannau echdynnu wedi'u gosod ym mhob ystafell driniaeth
- Arddangos arwyddion cadw pellter cymdeithasol a marciau tâp wedi'u gosod ar y llawr
- Gosod peiriannau hylif diheintio dwylo mewn lleoliadau amrywiol

Er mwyn amddiffyn y staff a'r cleifion yn y practis, dywedwyd wrthym fod y cleifion y mae angen iddynt weld y deintydd yn dod i'r practis drwy wahoddiad ac apwyntiad wedi'i drefnu ymlaen llaw yn unig. Cawsom wybod bod y staff yn gwisgo cyfarpar diogelu personol priodol, a bod yr holl gleifion sy'n gorfod cael triniaeth yn cael eu sgrinio am symptomau COVID-19. Mae'r staff hefyd yn gofyn cwestiynau sgrinio COVID-19 i gleifion 48 awr cyn eu hapwyntiad a hefyd ar ôl cyrraedd y practis cyn cael mynediad i'r ystafell driniaeth.

Cawsom wybod bod rhai cadeiriau wedi cael eu symud o'r man aros i sicrhau bod y cleifion yn cadw pellter cymdeithasol.

Cadarnhaodd y prif ddeintydd fod y cyffuriau a chyfarpar brys yn cael eu storio'n ddiogel ac mewn lleoliad lle mae modd cael mynediad atynt ar unwaith os bydd argyfwng meddygol (claf yn llewygu) yn y practis. Cadarnhaodd y prif ddeintydd fod system ar waith i wirio'r cyfarpar a'r cyffuriau a ddefnyddir mewn achos brys yn wythnosol i sicrhau nad ydynt wedi dyddio a'u bod yn barod i'w defnyddio, yn unol â'r safonau a nodir gan y Cyngor Dadebru (DU). Fodd bynnag, gwnaethom gynghori'r practis i wirio'r silindr ocsigen a'r diffibriliwr bob dydd.

Cadarnhaodd y prif ddeintydd fod rhai taflenni gwybodaeth ac arwyddion sy'n cael eu harddangos yn y practis yn ddwyieithog. Dywedwyd wrthym fod un aelod o staff yn dysgu Cymraeg a bod mynediad at gyfieithydd hefyd ar gael i'r practis.

Gwelsom fod mynediad da i'r practis ar gyfer defnyddwyr cadeiriau olwyn a chleifion ag anawsterau symudedd. Mae pob ystafell driniaeth yn gwbl hygyrch gyda lifft ar gael i'r llawr cyntaf. Mae yna hefyd gyfleusterau parcio ceir at ddefnydd cleifion.

Ni nodwyd unrhyw feysydd i'w gwella.

Atal a rheoli heintiau

Yn ystod y gwiriad ansawdd, gwnaethom ystyried sut mae'r gwasanaeth wedi ymateb i'r heriau a gyflwynwyd gan COVID-19, a pha mor llwyddiannus mae'n rheoli'r risg o heintiau er mwyn helpu i gadw cleifion, ymwelwyr a staff yn ddiogel.

Roedd y dogfennau allweddol a adolygwyd gennym yn cynnwys:

- Polisi glanhau
- Gweithdrefnau glanhau â llaw
- Cofnodion gwiriadau dyddiol o'r peiriannau awtoclaf
- Amserlenni glanhau'r ddeintyddfa
- Archwiliad dihalogi diweddaraf Memorandwm Technegol Iechyd Cymru 01-05¹ a'r cynllun gweithredu i fynd i'r afael ag unrhyw feysydd i'w gwella

Cafwyd y dystiolaeth gadarnhaol ganlynol:

Cadarnhaodd y prif ddeintydd fod gan yr holl staff ddealltwriaeth glir o'r canllawiau diweddaraf ar gyfer rheoli cleifion deintyddol yng Nghymru yn ystod y broses adfer ar ôl

¹ Mae Memorandwm Technegol Iechyd Cymru 01-05 yn cynnwys gwybodaeth am archwiliad o gydymffurfedd dihalogi. Datblygwyd yr archwiliad gan ddeintyddion yng Nghymru a chaiff ei gefnogi gan yr Adran Ddeintyddol o fewn Addysg a Gwella Iechyd Cymru (AaGIC).

pandemig COVID-19. Bwriedir i'r canllawiau gael eu defnyddio gan yr holl leoliadau gofal deintyddol cyffredinol yng Nghymru.

Cadarnhaodd y prif ddeintydd fod y staff wedi derbyn diweddariadau COVID-19 yn rheolaidd trwy grŵp WhatsApp pwrpasol,² cyfarfodydd tîm rheolaidd a sesiynau hyfforddi misol. Mae cyfathrebu rheolaidd wedi sicrhau bod gan bawb gyngor ac arweiniad cyfredol ar COVID-19.

Cadarnhaodd y prif ddeintydd fod prosesau ar waith i ddiogelu'r cleifion a'r staff pan fydd gweithdrefn sy'n cynhyrchu aerosol yn digwydd.³ Dywedwyd wrthym fod y broses hon yn dilyn y canllawiau mwyaf diweddar a gyhoeddwyd gan Brif Swyddog Deintyddol Cymru. Rhoddwyd yr wybodaeth ddiweddaraf i'r holl staff ynghylch y canllawiau a gyhoeddwyd gan y Prif Swyddog Deintyddol.

Cawsom wybod bod pob aelod o staff wedi derbyn hyfforddiant neu arweiniad mewnol ar bynciau amrywiol megis adnabod symptomau COVID-19, rheoli cleifion sydd â symptomau COVID-19, a'r defnydd cywir o gyfarpar diogelu personol, gan gynnwys gwisgo a diosg cyfarpar a chael gwared arno'n ddiogel ar ôl ei ddefnyddio.

Hysbyswyd ni fod yr holl staff y mae'n ofynnol iddynt wisgo masg FFP3⁴ wedi cael prawf ffitio er mwyn sicrhau bod y masgiau'n ffitio'n iawn ac y byddant yn cynnig amddiffyniad digonol.

Cadarnhawyd bod pob aelod o'r staff wedi derbyn asesiad risg COVID-19 manwl⁵ er mwyn asesu'r risgiau personol o barhau i gyflawni eu rôl yn ystod pandemig COVID-19.

Gwelsom fod rhaglen gynnal a chadw ddyddiol ar waith ar gyfer gwirio'r offer sterileiddio. Defnyddiwyd llyfr cofnodi i ddangos bod yr awtoclaf⁶ yn cael ei wirio ar ddechrau a diwedd y dydd.

Darparwyd copi inni o'r weithdrefn glanhau â llaw ar gyfer dihalogi offerynnau deintyddol. Gwnaethom nodi nad oedd tymheredd y dŵr a ddefnyddiwyd drwy gydol y weithdrefn lanhau wedi'i bennu yn y weithdrefn. Cadarnhaodd y prif ddeintydd y byddai'r weithdrefn glanhau â llaw yn cael ei hadolygu a'i diweddarau, a chawsom dystiolaeth, yn syth ar ôl ein gwiriad ansawdd, fod hyn wedi'i wneud.

² Cymhwysiad traws-blattform ar gyfer anfon negeseuon ar unwaith yw WhatsApp Messenger sy'n galluogi defnyddwyr ffonau clyfar i gyfnewid negeseuon testun, delwedd, fideo a chlywedol am ddim. Yn ogystal â negeseuon sylfaenol, mae WhatsApp yn darparu opsiynau sgwrsio mewn grŵp a rhannu lleoliadau.

³ Mae gweithdrefn sy'n cynhyrchu aerosol yn weithdrefn feddygol a all arwain at ryddhau gronynnau yn yr aer (aerosolau) o'r system anadlu wrth drin rhywun yr amheuir ei fod, neu ei bod yn hysbys ei fod, yn dioddef o gyfrwng heintus a drosglwyddir yn gyfan gwbl neu'n rhannol trwy'r aer neu drwy ddefnyddiau.

⁴ Cynlluniwyd anadlyddion FFP3 i ddiogelu'r sawl sy'n eu gwisgo rhag anadlu gronynnau bychain yn yr awyr a allai gynnwys feirysau.

⁵ Datblygwyd yr offeryn asesu risg hwn i helpu'r bobl sy'n gweithio yn y GIG a maes gofal cymdeithasol yng Nghymru i weld a oes mwy o risg iddynt ddatblygu symptomau mwy difrifol os ydynt yn dod i gysylltiad â'r feirws COVID-19.

⁶ Mathau o offer yw awtoclafau a ddefnyddir mewn practisau deintyddol i sterileiddio'r holl offer a'r holl ddeunyddiau a ddefnyddir mewn gweithdrefnau proffesiynol.

Gwelsom dystiolaeth fod archwiliad rheoli heintiau wedi'i gwblhau gan ddefnyddio offerynnau archwilio cydnabyddedig, gan gynnwys offeryn archwilio Addysg a Gwella Iechyd Cymru,⁷ sy'n cyd-fynd â chanllawiau Memorandwm Technegol Iechyd Cymru 01-05. Gwnaethom gydnabod hyn fel arfer da oherwydd cwmpas cynhwysfawr yr archwiliad. Gwelsom dystiolaeth fod y cynllun gweithredu canlyniadol ar waith ac yn cael ei fonitro.

Ni nodwyd unrhyw feysydd i'w gwella.

Llywodraethu / Staffio

Fel rhan o'r safon hon, gwnaeth AGIC holi cynrychiolydd y gwasanaeth ynglŷn â'r ffordd y maent wedi addasu eu gwasanaeth mewn ymateb i effaith COVID-19. Gwnaethom archwilio p'un a yw trefniadau rheoli yn sicrhau bod staff yn addas yn eu rolau a'u bod wedi'u hyfforddi'n briodol er mwyn darparu gofal diogel ac effeithiol.

Roedd y dogfennau allweddol a adolygwyd gennym yn cynnwys:

- Y datganiad o ddiben
- Y daflen gwybodaeth i gleifion
- Archwiliad Rheoliadau Ymbelydredd Ïoneiddio (Cysylltiad Meddygol)
- Archwiliad o gardiau cofnod
- Polisiâu/gweithdrefnau cydsyniad gwybodus
- Cynllun parhad busnes
- Cofnodion hyfforddiant gorfodol
- Adroddiad blynyddol Rheoliad 16 (ymweliad yr unigolyn cyfrifol)

Cafwyd y dystiolaeth gadarnhaol ganlynol:

Prif ddeintydd Deintyddfa Beaufort Park yw'r rheolwr cofrestredig⁸ a'r unigolyn cyfrifol enwebedig.⁹

Darparwyd sampl o bolisiau, gweithdrefnau ac asesiadau risg y practis i ni. Gwelsom fod y rhain wedi cael eu hadolygu'n rheolaidd yn ystod y flwyddyn a bod fersiynau o bob un ohonynt wedi'u rheoli a'u bod yn cynnwys dyddiad adolygu.

Darparwyd copi o'r datganiad o ddiben a'r daflen gwybodaeth i gleifion i ni, a oedd yn cynnwys

⁷ Mae Addysg a Gwella Iechyd Cymru (AaGIC) wedi ymrwmo i drawsnewid y gweithlu ar gyfer Cymru iachach. Awdurdod Iechyd Arbennig ydyw yn GIG Cymru ac mae'n cyd-fynd â byrddau ac ymddiriedolaethau iechyd.

⁸ Ystyr "rheolwr cofrestredig" yw unigolyn sydd wedi'i gofrestru o dan Ran 2 Rheoliadau Deintyddiaeth Breifat (Cymru) 2017 fel rheolwr practis deintyddol preifat.

⁹ Ystyr "unigolyn cyfrifol" yw unigolyn sy'n gyfarwyddwr, rheolwr, ysgrifennydd neu swyddog arall yn y sefydliad ac sy'n gyfrifol am oruchwylio'r gwaith o reoli practis deintyddol preifat (Rheoliadau Deintyddiaeth Breifat 2017).

gwybodaeth berthnasol am y gwasanaethau sy'n cael eu cynnig.

Rhodddwyd dystiolaeth i ni a oedd yn cadarnhau bod yr holl staff clinigol wedi mynychu hyfforddiant ar ystod o bynciau a oedd yn berthnasol i'w rolau ac er mwyn bodloni gofynion datblygiad proffesiynol parhaus.

O'r dogfennau allweddol a adolygwyd gennym, roedd yn amlwg bod y practis yn ceisio gwella'r gwasanaeth a ddarperir i gleifion yn barhaus. Cawsom gopïau o archwiliadau perthnasol a oedd wedi cael eu cwblhau'n ddiweddar, megis croes-heintio, nodiadau clinigol, pelydrau-X a gwastraff clinigol. Lle y bo'n ofynnol, roedd cynllun gweithredu wedi cael ei ddatblygu a'i gynnal.

Cawsom yr adroddiad blynyddol diweddaraf ar gyfer monitro ac asesu ansawdd y gwasanaeth, fel sy'n ofynnol gan Reoliadau Deintyddiaeth Breifat (Cymru) 2017. Dangosodd yr adroddiad dystiolaeth o'r ffordd y mae ansawdd y gwasanaeth sy'n cael ei ddarparu yn cael ei reoli a'i asesu i sicrhau ei fod yn bodloni gofynion y rheoliadau a'r safonau perthnasol.

Gwelsom fod gan y practis gynllun parhad busnes ar waith i sicrhau dilyniant darpariaeth y gwasanaeth a gofal diogel i gleifion.

Cawsom wybod na wnaeth y practis gau yn ystod y pandemig. Drwy gydol y pandemig, mae'r practis wedi parhau i drin cleifion brys, ar ôl eu sgrinio ar gyfer COVID-19.

Cawsom wybod am y trefniadau a champau gweithredu a gymerwyd hyd yn hyn pan oedd angen i unrhyw aelodau o'r staff hunanynysu neu pan oeddent wedi cael canlyniad positif am COVID-19. Roeddem wedi ein bodloni bod y gweithdrefnau hyn yn lleihau'r risg o ledaenu COVID-19 i'r staff a'r cleifion.

Dywedwyd wrthym fod y practis wedi cynnal ei brosesau ar gyfer adrodd am unrhyw ddigwyddiadau. Dywedwyd wrthym fod y staff yn ymwybodol o'u rolau a'u cyfrifoldebau wrth adrodd i'r asiantaethau rheoleiddiol am ddigwyddiadau, gan gynnwys Arolygiaeth Gofal Iechyd Cymru (AGIC).

Roedd y prif ddeintydd yn canmol staff y practis yn fawr, gan dynnu sylw at y ffordd y maent wedi ymateb i anghenion y practis a'r cleifion a chefnogi ei gilydd yn ystod pandemig COVID-19.

Ni nodwyd unrhyw feysydd i'w gwella.

Beth nesaf?

Lle rydym wedi nodi meysydd i'w gwella a phryderon uniongyrchol yn ystod ein gwiriad

ansawdd y mae gofyn i'r gwasanaeth weithredu yn eu cylch, mae'r rhain yn cael eu manylu yn y ffyrdd canlynol o fewn atodiadau'r adroddiad hwn:

- Atodiad A: Mae hwn yn cynnwys unrhyw bryderon dybryd o ran diogelwch cleifion lle rydym yn mynnu bod y gwasanaeth yn llunio cynllun gwella ar unwaith sy'n dweud wrthym am y camau gweithredu brys y mae'n eu cymryd
- Atodiad B: Mae hwn yn cynnwys unrhyw welliannau eraill a nodwyd yn ystod y gwiriad ansawdd lle rydym yn mynnu bod y gwasanaeth yn llunio cynllun gwella sy'n dweud wrthym am y camau gweithredu y mae'n eu cymryd i fynd i'r afael â'r meysydd hyn

Lle mae angen cynllun gwella, dylai wneud y canlynol:

- Sicrhau bod y camau a gymerir mewn ymateb i'r materion a nodwyd yn gyraeddadwy, amserol, mesuradwy, penodol, uchelgeisiol a synhwyrol
- Cynnwys digon o fanylion er mwyn rhoi sicrwydd i AGIC a'r cyhoedd y bydd y meysydd i'w gwella a nodwyd yn cael sylw digonol
- Sicrhau bod y dystiolaeth sy'n ofynnol yn erbyn y camau gweithredu a nodwyd yn cael ei darparu i AGIC o fewn tri mis i'r gwiriad ansawdd

O ganlyniad i ganfyddiadau'r gwiriad ansawdd hwn, dylai'r gwasanaeth:

- Sicrhau nad yw'r meysydd i'w gwella yn systemig ar draws meysydd eraill yn y sefydliad ehangach
- Rhoi'r wybodaeth ddiweddaraf i AGIC pan fydd camau yn dal heb eu cymryd a/neu ar y gweill, i gadarnhau pan fydd y rhain wedi cael sylw

Pan gytunir ar y cynllun gwella, caiff ei gyhoeddi ar wefan AGIC.

Atodiad A - Cynllun gwella ar unwaith

Lleoliad: Deintyddfa Beaufort Park

Ward/Adran/Gwasanaeth Practis deintyddol

Dyddiad y gweithgarwch: 16 Awst 2022

Mae'r tabl isod yn cynnwys unrhyw bryderon dybryd ynghylch diogelwch y cleifion a nodwyd yn ystod y gwiriad ansawdd lle rydym yn mynnu bod y gwasanaeth yn cwblhau cynllun gwella ar unwaith sy'n dweud wrthym am y camau gweithredu brys y mae'n eu cymryd.

Yr hyn y mae angen ei wella ar unwaith	Safon / Rheoliad	Camau gweithredu gan y gwasanaeth	Swyddog cyfrifol	Amserlen
Nid oedd angen unrhyw welliannau ar unwaith yn ystod y gwiriad ansawdd.				

Rhaid i'r adran ganlynol gael ei chwblhau gan gynrychiolydd o'r gwasanaeth sydd â'r cyfrifoldeb ac atebolrwydd cyffredinol dros sicrhau bod y cynllun gwella yn cael ei roi ar waith.

Cynrychiolydd y gwasanaeth:

Enw (llythrennau bras):

Swydd:

Dyddiad:

Atodiad B: Cynllun gwella

Lleoliad: Deintyddfa Beaufort Park

Ward/Adran/Gwasanaeth Practis deintyddol

Dyddiad y gweithgarwch: 16 Awst 2022

Mae'r tabl isod yn cynnwys gwelliannau a nodwyd yn ystod y gwiriad ansawdd lle rydym yn mynnu bod y gwasanaeth yn cwblhau cynllun gwella sy'n dweud wrthym am y camau y mae'n eu cymryd i fynd i'r afael â'r meysydd hyn.

Sylwer, disgwylir i'r holl gamau gweithredu gael eu cwblhau o fewn tri mis i'r gwiriad ansawdd a dylid cyflwyno fersiwn derfynol o'r cynllun gwella drwy Objective Connect ar ôl iddo gael ei gwblhau.

Yr hyn y mae angen ei wella	Safon / Rheoliad	Camau gweithredu gan y gwasanaeth	Swyddog cyfrifol	Amserlen
Nid oedd angen unrhyw welliannau yn ystod y gwiriad ansawdd.				

Rhaid i'r adran ganlynol gael ei chwblhau gan gynrychiolydd o'r gwasanaeth sydd â'r cyfrifoldeb ac atebolrwydd cyffredinol dros sicrhau bod y cynllun gwella yn cael ei roi ar waith.

Cynrychiolydd y gwasanaeth:

Swydd:

Dyddiad: